




古今詩刪卷之六

濟南李攀龍

吳興徐中行

門人新都汪時元校刻



漢詩

武帝

栢梁詩

日月星辰和四時帝駮駕駟馬從梁來梁王孝王武郡國士馬
羽林林大司馬總領天下誠難治丞相石慶和撫四夷不易哉大將軍衛青力

筆之吏臣執之。撞鐘伐鼓聲中詩。宗室廣大日宗

益滋周衛交戟禁不時。總領從宗栢梁臺。平理光祿勳徐自為

請讞決嫌疑。修飾輿馬待駕來。郡國吏功差次大鴻臚壺

之。乘輿御物主治之。陳粟萬石揚日箕。徼道宮大司農張成

下隨討治。三輔盜賊天下危。盜阻南山為民災。扶風李成信

外公家主不可治。椒房率更領其材。蠻夷朝賀詹事陳掌

常舍其。枉杆構榼相枝持。枇杷橘栗桃李梅。走大官令

狗逐兔張果。愚齧妃女唇。耳如飴。追窘詰屈幾郭舍人

窮哉東方朔

東方朔

。誠子詩

明者處世莫尚于中。優哉游哉於道相從。首陽為拙。柳惠為工。飽食安步。以仕代農。依隱玩世。詭時不逢。才盡身危。好名得華。有群累生。孤貴失和。遺餘不匱。自盡無多。聖人之道。一龍一蛇。形見神藏。與物變化。隨時之宜。無有常家。

蘇武

。詩四首

古今詩冊 卷一
骨肉緣枝葉。結交亦相因。四海皆兄弟。誰爲行
路人。况我連枝樹。與子同一身。昔爲鴛與鴦。今
爲參與辰。昔者常相近。邈若胡與秦。惟念當乖
離。思情日以新。鹿鳴思野草。可以喻嘉賓。我有
一尊酒。欲以贈遠人。願子留斟酌。叙此平生親。

其二

結髮爲夫妻。恩愛兩不疑。歡娛在今夕。燕婉及
良時。征夫懷徃路。起視夜何其。參辰皆已沒。去
去從此辭。行役在戰場。相見未有期。握手一長
歎。淚爲生別滋。努力愛春華。莫忘歡樂時。生當
復來歸。死當長相思。

其三

黃鵠一遠別。千里顧徘徊。胡馬失其群。思心常
依依。何況雙飛龍。羽翼臨當乖。幸有絃歌曲。可
以喻中懷。請爲遊子吟。泠泠一何悲。絲竹厲清
聲。慷慨有餘哀。長歌正激烈。中心愴似摧。欲展
清商曲。念子不得歸。俛仰內傷心。淚下不可揮。
願爲雙黃鵠。送子俱遠飛。

其四

燭燭晨明月。馥馥我蘭芳。芬馨良夜發。隨風聞我堂。征夫懷遠路。遊子戀故鄉。寒冬十二月。晨起踐嚴霜。俯觀江漢流。仰視浮雲翔。良友遠別離。各在天一方。山海隔中州。相去悠且長。嘉會難再遇。歡樂殊未央。願君崇令德。隨時愛景光。

李陵

與蘇武詩三首

良時不再至。離別在須臾。屏營衢路側。執手野

踟躕。仰視浮雲馳。奄忽互相踰。風波一失所。各在天一隅。長當從此別。且復立斯湏。欲因晨風發。送子以賤軀。

其二

携手上河梁。遊子暮何之。徘徊蹊路側。悵悵不能辭。行人難久留。各言長相思。安知非日月。弦望自有時。努力崇明德。皓首以爲期。

其三

嘉會難再遇。三載爲千秋。臨河濯長纓。念子悵

古今詩冊 卷六 四
悠悠遠望悲風至。對酒不能酬。行人懷往路。何
以慰我愁。獨有盈觴酒。與子結綢繆。

蔡琰

悲憤詩二首

漢季失權柄。董卓亂天常。志欲圖篡弒。先害諸
賢良。逼迫遷舊邦。擁主以自彊。海內興義師。欲
共討不祥。卓衆來東下。金甲耀日光。平土人脆
弱。來兵皆胡羌。獵野圍城邑。所向悉破亡。斬截
無孑遺。尸骸相穿拒。馬邊縣男頭。馬後載婦女。

長驅西入關。迥路險且阻。還顧邈冥冥。肝脾爲
爛腐。所畧有萬計。不得令屯聚。或有骨肉俱。欲
言不敢語。失意幾微間。輒言斃降虜。要當以亭
刃。我曹不活汝。豈復惜性命。不堪其詈罵。或便
加捶杖。毒痛參并下。旦則號泣行。夜則悲吟坐。
欲死不能得。欲生無一可。彼蒼者何辜。乃遭此
厄禍。邊荒與華異。人俗少義理。處所多霜雪。胡
風春夏起。翩翩吹我衣。蕭蕭入我耳。感時念父
母。哀歎無窮已。有客從外來。聞之常歡喜。迎問

古今詩冊 卷六 五
其消息。輒復非鄉里。邂逅徼時願。骨肉來迎已。
已得自解免。當復棄兒子。天屬綴人心。念別無
會期。存亡永乖隔。不忍與之辭。兒前抱我頸。問
母欲何之。人言母當去。豈復有還時。阿母常仁
惻。今何更不慈。我尚未成人。柰何不顧思。見此
崩五內。恍惚生狂癡。號泣手撫摩。當發復回疑。
兼有同時輩。相送告離別。慕我獨得歸。哀叫聲
摧裂。馬爲立踟躕。車爲不轉轍。觀者皆歔歔。行
路亦嗚咽。去去割情戀。遄征日遐邁。悠悠三千

里。何時復交會。念我出腹子。胸臆爲摧敗。旣至
家人盡。又復無中外。城郭爲山林。庭宇生荆艾。
白骨不知誰。從橫莫覆蓋。出門無人聲。豺狼號
且吠。煢煢對孤景。怛怛糜肝肺。登高遠眺望。魂
神忽飛逝。奄若壽命盡。旁人相寬大。爲復彊視
息。雖生何聊賴。託命於新人。竭心自勗厲。流離
城鄙賤。常恐復捐廢。人生幾何時。懷憂終年歲。

其二

嗟薄祐。兮遭世患。宗族殄。兮門戶單。身執畧。兮

古今詩冊 卷八
入西關。歷險阻。兮之羗蠻。山谷眇兮路漫漫。眷
東顧兮但悲歎。冥當寢兮不能安。飢當食兮不
能餐。常流涕兮皆不乾。薄志節兮念死難。雖苟
活兮無形顏。惟彼方兮遠陽精。陰氣凝兮雪夏
零。沙漠壅兮塵冥冥。有草木兮春不榮。人似禽
兮食臭腥。言堯離兮狀窈停。歲聿暮兮時邁征。
夜悠長兮禁門扃。不能寐兮起屏營。登胡殿兮
臨廣庭。玄雲合兮翳月腥。北風厲兮肅泠泠。胡
笳動兮邊馬鳴。孤鴈歸兮聲嚶嚶。樂人興兮彈
琴箏。音相和兮悲且清。心吐思兮胸憤盈。欲舒
氣兮恐彼驚。含哀咽兮涕沾頸。家既迎兮當歸
寧。臨長路兮捐所生。兒呼母兮啼失聲。我掩耳
兮不忍聽。追持我兮走煢煢。頓復起兮毀顏形。
還顧之兮破人情。心怛絕兮死復生。

蘇伯玉妻

盤中詩

山樹高。鳥鳴悲。泉水深。鯉魚肥。空倉鵲常苦飢。
吏人婦會夫希。出門望見白衣。謂當是而更非。

古今詩冊 卷一
還入門中心悲北。上堂西入階。急機絞杼聲。催
長嘆息當語誰。君有行妾念之。出有日還無期。
結巾帶長相思。君忘妾未知之。妾忘君罪當治。
妾有行宜知之。黃者金白者玉。高者山下者谷。
姓者蘇字伯玉。人才多知謀。足家居長安。身在
蜀。何惜馬蹄歸不數。羊肉千斤酒百斛。令君馬
肥麥與粟。今時人知四足與其書。不能讀。當從
中央周四角。

無名氏

惟泰元

惟泰元尊。媪神蕃。鰲經緯天地。作成四時。精建
日月。星辰度理。陰陽五行。周而復始。雲風雷電。
降甘露雨。百姓蕃滋。咸循厥緒。繼統共勤。順皇
之德。鸞路龍鱗。罔不矜飾。嘉籩列陳。庶幾宴享。
滅除凶災。烈騰八荒。鐘鼓竽笙。雲舞翔翔。招搖
靈旗。九夷賓將。

萃燁燁

萃燁燁。固靈根。神之游。過天門。車千乘。敦昆侖。

古今詩冊 卷六
神之出。排玉房。周流雜。拔蘭堂。神之行。旌容容。騎杳杳。般從從。神之徠。泛翊翊。甘露降。慶雲集。神之榆。臨壇宇。九疑賓。夔龍舞。神安坐。鷦吉時。共翊翊。合所思。神嘉虞。申貳觴。福滂洋。邁延長。沛施祐。汾之阿。揚金光。橫秦河。莽若雲。增揚波。徧臚驩。騰天歌。

古詩十九首

行行重行行。與君生別離。相去萬餘里。各在天一涯。道路阻且長。會面安可知。胡馬依北風。越鳥巢南枝。相去日已遠。衣帶日已緩。浮雲蔽白日。遊子不顧返。思君令人老。歲月忽已晚。棄捐勿復道。努力加餐飯。

其二

青青河畔草。鬱鬱園中柳。盈盈樓上女。皎皎當窻牖。娥娥紅粉粧。纖纖出素手。昔爲倡家女。今爲蕩子婦。蕩子行不歸。空牀難獨守。

其三

青青陵上栢。磊磊澗中石。人生天地間。忽如遠

古今詩冊 卷六 九
行客斗酒相娛樂。聊厚不爲薄。驅車策駑馬。游
戲宛與洛。洛中何鬱鬱。冠帶自相索。長衢羅夾
巷。王侯多第宅。兩宮遙相望。雙闕百餘尺。極宴
娛心意。戚戚何所迫。

其四

今日良宴會。歡樂難具陳。彈箏奮逸響。新聲妙
入神。令德唱高言。識曲聽其真。齊心同所願。含
意俱未伸。人生寄一世。奄忽若飈塵。何不策高
足。先據要路津。無爲守窮賤。軼軻長苦辛。

其五

西北有高樓。上與浮雲齊。交疏結綺窻。阿閣三
重階。上有絃歌聲。音響一何悲。誰能爲此曲。無
乃杞梁妻。清商隨風發。中曲正徘徊。一彈再三
歎。慷慨有餘哀。不惜歌者苦。但傷知音稀。願爲
雙鴻鵠。奮翅起高飛。

其六

涉江采芙蓉。蘭澤多芳草。采之欲遺誰。所思在
遠道。還顧望舊鄉。長路漫浩浩。同心而離居。憂

古今詩冊 卷一
傷以終老。

其七

明月皎夜光。促織鳴東壁。玉衡指孟冬。衆星何
歷歷。白露沾野草。時節勿復易。秋蟬鳴樹間。玄
鳥逝安適。昔我同門友。高舉振六翮。不念携手
好。棄我如遺跡。南箕北有斗。牽牛不負軛。良無
盤石固。虛名復何益。

其八

冉冉孤生竹。結根泰山阿。與君爲新婚。兔絲附
女蘿。兔絲生有時。夫婦會有宜。千里遠結婚。悠
悠隔山陂。思君令人老。軒車來何遲。傷彼蕙蘭
花。含英揚光輝。過時而不采。將隨秋草萎。春亮
執高節。賤妾亦何爲。

其九

庭中有竒樹。綠葉發華滋。攀條折其榮。將以遺
所思。馨香盈懷袖。路遠莫致之。此物何足貴。但
感別經時。

其十

古今詩集 卷六
迢迢牽牛星皎皎河漢女。織機杼素手札札弄
機杼。終日不成章。泣涕零如雨。河漢清且淺。相
去復幾許。盈盈一水間。脉脉不得語。

其十一

迴車駕言邁。悠悠涉長道。四顧何茫茫。東風搖
百草。所遇無故物。焉得不速老。盛衰各有時。立
身苦不早。人生非金石。豈能長壽考。奄忽隨物
化。榮名以爲寶。

其十二

東城高且長。逶迤自相屬。迴風動地起。秋草萋
已綠。四時更變化。歲暮一何速。晨風懷苦心。蟋
蟀傷局促。蕩滌放情志。何爲自結束。燕趙多佳
人。美者顏如玉。被服羅裳衣。當戶理清曲。音響
一何悲。絃急知柱促。馳情整巾帶。沈吟聊躑躅。
思爲雙飛燕。銜泥巢君屋。

其十三

驅車上東門。遙望郭北墓。白楊何蕭蕭。松柏夾
廣路。下有陳死人。杳杳卽長暮。潛寐黃泉下。千

古今詩冊 卷六
載永不寤。浩浩陰陽移。年命如朝露。人生忽如寄。壽無金石固。萬歲更相送。賢聖莫能度。服食求神仙。多爲藥所誤。不如飲美酒。被服紉與素。

其十四

去者日以踈。來者日以親。出郭門直視。但見丘與墳。古墓犁爲田。松柏摧爲薪。白楊多悲風。蕭蕭愁殺人。思還故里間。欲歸道無因。

其十五

生年不滿百。常懷千歲憂。晝短苦夜長。何不秉燭游。爲樂當及時。何能待來茲。愚者愛惜費。但爲後世嗤。仙人王子喬。難可與等期。

其十六

凜凜歲云暮。螻蛄夕鳴悲。涼風率已厲。遊子寒無衣。錦衾遺洛浦。同袍與我違。獨宿累長夜。夢想見容輝。良人惟古歡。枉駕惠前綏。願得常巧笑。携手同車歸。旣來不須臾。又不處重闈。亮無晨風翼。焉能凌風飛。眄睐以適意。引領遙相睎。徒倚懷感傷。垂涕沾雙扉。

其十七

孟冬寒氣至。北風何慘慄。愁多知夜長。仰觀衆星列。三五明月滿。四五蟾兔缺。客從遠方來。遺我一書札。上言長相思。下言久離別。置書懷袖中。三歲字不滅。一心抱區區。懼君不識察。

其十八

客從遠方來。遺我一端綺。相去萬餘里。故人心尚爾。文彩雙鴛鴦。裁爲合歡被。著以長相思。緣以結不解。以膠投漆中。誰當別離此。

其十九

明月何皎皎。照我羅牀幃。憂愁不能寐。攬衣起徘徊。客行雖云樂。不如早旋歸。出戶獨徬徨。愁思當告誰。引領還入房。淚下沾裳衣。

古詩二首

上山採蘼蕪。下山逢故夫。長跪問故夫。新人復何如。新人雖言好。未若故人姝。顏色類相似。手爪不相如。新人從門入。故人從閣去。新人工織縑。故人工織素。織縑日一匹。織素五丈餘。將縑

來比素。新人不如故。

其二

步出城東門。遙望江南路。前日風雪中。故人從此去。我欲渡河水。河水深無梁。願爲雙黃鵠。高飛還故鄉。

李陵錄別詩四首

擬作

爍爍三星列。拳拳月初生。寒涼應節至。蟋蟀夜悲鳴。晨風動喬木。枝葉日夜零。遊子暮思歸。塞耳不能聽。遠望正蕭條。百里無人聲。豺狼鳴後園。虎豹步前庭。遠處天一隅。苦困獨零丁。親人隨風散。歷歷如流星。三萍離不結。思心獨屏營。願得萱草枝。以解飢渴情。

其二

寂寂君子坐。奕奕合衆芳。溫聲何穆穆。因風動馨香。清言振東序。良時著西庠。乃命絲竹音。列席無高唱。悲意何慷慨。清歌正激揚。長哀發萃屋。四坐莫不傷。

其三

古今言冊 卷六 十五
晨風鳴北林。熠燿東南飛。願言所相思。日暮不
垂帷。明月照高樓。想見餘光輝。玄鳥夜過庭。髮
髯能復飛。褰裳路踟躕。彷徨不能歸。浮雲日千
里。安知我心悲。思得瓊樹枝。以解長渴飢。

其四

紅塵蔽天地。白日何冥冥。微陰盛殺氣。淒風從
此興。招搖西北指。天漢東南傾。嗟爾窮廬子。獨
行如履冰。短褐中無緒。帶斷續以繩。馮水置瓶
中。焉辨淄與澗。巢父不洗耳。後世有何稱。

蘇武荅詩

擬作

童童孤生柳。寄根河水泥。連翩遊客子。于冬服
涼衣。去家千里餘。一身常渴飢。寒夜立清庭。仰
瞻天漢湄。寒風吹我骨。嚴霜切我飢。憂心常慘
戚。晨風爲我悲。瑤光遊何速。行願支荷遲。仰視
雲間星。忽若割長帷。低頭還自憐。盛年行已衰。
依依戀明世。愴愴難久懷。

古詩

採葵莫傷根。傷根葵不生。結交莫羞貧。羞貧友

不成。

古絕句二首

藁砧今何在。山上復有山。何當大刀頭。破鏡飛上天。

其二

日暮秋雲陰。江水清且深。何用通音信。蓮花玳瑁簪。

古歌

高田種小麥。終久不成穗。男兒在他鄉。焉得不

憔悴。

古樂府

蘭草自然香。生於大道傍。腰鎌八九月。俱在束薪中。

魏詩

文帝

黎陽作

千騎隨風靡。萬騎正龍驤。金鼓震上下。千戚紛從橫。白旄若素霓。丹旗發朱光。追思太王德。胥

古今詩冊
卷六
字識足減。經歷萬歲林。行行到黎陽。

於黠作

清夜延貴客。明燭發高光。豐膳漫星陳。旨酒盈玉觴。絃歌奏清曲。游響拂丹梁。餘音赴迅節。慷慨時激揚。獻酬紛交錯。雅舞何鏘鏘。羅纓從風飛。長劔自低昂。穆穆衆君子。和合同樂康。

芙蓉池作

乘輦夜行游。逍遙步西園。雙渠相溉灌。嘉木繞通川。卑枝拂羽蓋。修條摩蒼天。驚風扶輪轂。飛鳥翔我前。丹霞夾明月。華星出雲間。上天垂光彩。五色一何鮮。壽命非松喬。誰能得神仙。遨遊快心意。保已終百年。

於玄武陂作

兄弟共行游。驅車出西城。野田廣開闢。川渠互相經。黍稷何鬱鬱。流波激悲聲。菱芡覆綠水。芙蓉發丹榮。柳垂重蔭綠。向我池邊生。乘渚望長洲。群鳥譁譁鳴。萍藻泛濫浮。澹澹隨風傾。忘憂共容與。暢此千秋情。

古今詩冊 卷六
雜詩二首

漫漫秋夜長。烈烈北風涼。展轉不能寐。披衣起
彷徨。彷徨忽已久。白露沾我裳。俯視清水波。仰
看明月光。天漢回西流。三五正從橫。草虫鳴何
悲。孤鴈獨南翔。鬱鬱多悲思。綿綿思故鄉。願飛
安得翼。欲濟河無梁。向風長嘆息。斷絕我中腸。

其二

西北有浮雲。亭亭如車蓋。惜哉時不遇。適與飄
風會。吹我東南行。行行至吳會。吳會非我鄉。安
得久留滯。棄置勿復陳。客子常畏人。

陳思王植

朔風詩二首

四氣代謝。懸景運周。別如俯仰。脫若三秋。昔我
初遷。朱華未晞。今我旋止。素雪云飞。

其二

子好芳草。豈忘爾貽。繁華將茂。秋霜悴之。君不
垂眷。豈云其誠。秋蘭可喻。桂樹冬榮。

矯志詩

芝桂雖芳。難以餌烹。尸位素餐。難以成名。磁石引鐵。於金不連。犬朝舉士。愚不聞焉。抱壁塗乞。無爲貴寶。履仁遘禍。無爲貴道。鴛鴦離遠。害不羞卑。棲靈虬避難。不耻污泥。都蔗雖甘。杖之必折。巧言雖美。用之必滅。濟濟唐朝。萬邦作孚。逢蒙雖巧。必得良弓。聖主雖知。必得英雄。螳螂見嘆。齊士輕戰。越王軾蛙。國以死獻。道遠知驥。世僞知賢。覆之恃之。順天之矩。澤如凱風。惠如時雨。口爲禁闥。舌爲發機。門機之閭。措矢不追。

公宴詩

公子敬愛客。終宴不知疲。清夜游西園。飛蓋相追隨。明月澄清影。列宿正參差。秋蘭被長坂。朱華冒綠池。潛魚躍清波。好鳥鳴高枝。神飈接丹轂。輕輦隨風移。飄飄放志意。千秋長若斯。

贈徐幹

驚風飄白日。忽然歸西山。圓景光未滿。衆星燦以繁。志士營世業。小人亦不閒。聊且夜行游。游彼雙闕間。文昌鬱雲興。迎風高中天。春鳩鳴飛

棟流焱激櫺軒。顧念蓬室士。貧賤誠足憐。薇藿弗克處。皮褐猶不全。慷慨有悲心。興文自成篇。寶棄怨何人。和氏有其愆。彈冠俟知己。知己誰不然。良田無晚歲。膏澤多豐年。亮懷璠璣美。積久德愈宣。親交義在敦。申章復何言。

又贈丁儀王粲

從軍度函谷。驅馬過西京。山岑高無極。涇渭揚濁清。壯哉帝王居。佳麗殊百城。員闕出浮雲。承露繫秦清。皇佐揚天惠。四海無交兵。權家雖愛勝。全國爲令名。君子在末位。不能歌德聲。丁生怨在朝。王子歡自營。歡怨非貞則。中和誠可經。

三良詩

功名不可爲。忠義我所安。秦穆先下世。三臣皆自殘。生時等榮樂。既沒同憂患。誰言捐軀易。殺身誠獨難。攬涕登君墓。臨穴仰天嘆。長夜何冥冥。一往不復還。黃鳥爲悲鳴。哀哉傷肺肝。

雜詩三首

高臺多悲風。朝日照北林。之子在萬里。江湖迫

古今詩集 卷六
且深。方舟安可極。離思故難任。孤鴈飛南遊。過
庭長哀吟。翹思慕遠人。願欲托遺音。形影忽不
見。翩翩傷我心。

其二

南國有佳人。容華若桃李。朝遊江北岸。夕宿瀟
湘沚。時俗薄朱顏。誰爲發皓齒。俛仰歲將暮。榮
耀難久恃。

其三

攬衣出中閨。逍遙步兩楹。閒房何寂寞。綠草被
堦庭。空室自生風。百鳥翩南征。春思安可忘。憂
戚與我并。佳人在遠道。妾身單且癯。歡會難再
遇。芝蘭不重榮。人皆棄舊愛。君豈若平生。寄松
爲女蘿。依水如浮萍。賫身奉衿帶。朝夕不墮傾。
倘終顧盼恩。永副我中情。

七哀詩

明月照高樓。流光正徘徊。上有愁思婦。悲歎有
餘哀。借問歎者誰。言是宕子妻。君行踰十年。孤
妾常獨棲。君若清路塵。妾若濁水泥。浮沈各異

勢會合何時。諾願爲西南風。長逝入君懷。君懷
良不開。賤妾當何依。

劉楨

贈五官中郎將二首

昔我從元后。整駕至南鄉。過彼豐沛都。與君共
翱翔。四節相推斥。季冬風且涼。衆賓會廣坐。明
鐙熺炎光。清歌製妙聲。萬舞在中堂。金壘含甘
醴。羽觴行無方。長夜忘歸來。聊且爲太康。四牡
向路馳。歡悅誠未央。

其二

秋日多悲懷。感慨以長嘆。終夜不遑寐。叙意於
濡翰。明燈曜閨中。清風淒已寒。白露塗前庭。應
門重其關。四節相推斥。歲月忽欲殫。壯士遠出
征。戎事將獨難。涕泣灑衣裳。能不懷所歡。

公讌詩

永日行遊戲。歡樂猶未央。遺思在玄夜。相與復
翱翔。輦車飛素蓋。從者盈路傍。月出照園中。珍
木鬱蒼蒼。清川過石渠。流波爲魚防。芙蓉散其

華茵菴。溢金塘。靈鳥宿水裔。仁獸游飛梁。萃館
寄流波。豁達來風涼。生平未始聞。歌之安能詭。
投翰長嘆息。綺麗不可忘。

應璩

侍五官中郎將建章臺集詩

朝鴈鳴雲中。音響一何哀。問子游何鄉。戢翼正
徘徊。言我塞門來。將就衡陽栖。往春翔北土。今
冬客南淮。遠行蒙霜雪。毛羽日摧頹。常恐傷肌
骨。身隕沈黃泥。簡珠墮沙石。何能中自諧。欲因

雲雨會。濯翼陵高梯。良遇不可值。伸眉路何階。
公子敬愛客。樂飲不知疲。和顏旣已暢。乃肯顧
細微。贈詩見存慰。小子非所宜。且爲極歡情。不
醉其無歸。凡百敬爾位。以副饑渴懷。

應璩

百一詩三首

下流不可處。君子慎厥初。名高不宿著。易用受
侵誣。前者隳官去。有人適我閭。田家無所有。酌
醴焚枯魚。問我何功德。三入承明廬。所占於此

古今詩冊 卷八
士。是謂仁智居。文章不經國。筐篋無尺書。用等
稱才學。徃徃見歎譽。避席跪自陳。賤子實空虛。
宋人遇周客。慙愧靡所如。

其二

年命在桑榆。東岳與我期。長短有常會。遲速不
得辭。斗酒多爲樂。無爲待來茲。室廣致凝陰。臺
高來積陽。柰何季世人。侈靡在宮牆。飾巧無窮
極。土木被朱光。徵求傾四海。雅意猶未康。

其三

子弟可不慎。慎在選師友。師友必長德。中才可
進誘。

阮瑀

七哀詩

丁年難再遇。富貴不重來。良時忽一過。身體爲
土灰。冥冥九泉室。漫漫長夜臺。身盡氣力索。精
魄靡所能。嘉肴設不御。酒盈觴杯。出壙望故
鄉。但見蒿與萊。

王燦

公讌詩

昊天降豐澤。百卉挺葳蕤。涼風撤蒸暑。清雲却
炎暉。高會君子堂。並坐蔭華榭。嘉肴充圓方。旨
酒盈金壘。管絃發徽音。曲度清且悲。合坐同所
樂。但愬柝行遲。常聞詩人語。不醉且無歸。今日
不極歡。含情欲待誰。見眷良不翅。守分豈能違。
古人有遺言。君子福所綏。願我賢主人。與天享
巍巍。克符周公業。奕世不可追。

從軍詩二首

從軍有苦樂。但問所從誰。所從神且武。焉得久
勞師。相公征關右。赫怒震天威。一舉滅獯虜。再
舉服羗夷。西收邊地賊。忽若俯拾遺。陳賞越丘
山。酒肉踰川坻。軍中多沃饒。人馬皆溢肥。徒行
兼乘還。空出有餘資。拓地三千里。往返一如飛。
歌舞入鄴城。所願獲無違。晝日處大朝。日暮薄
言歸。外叅時明政。內不廢家私。禽獸憚爲犧。良
苗實已揮。竊慕負鼎翁。願厲朽鈍姿。不能效沮
溺。相隨把鋤犁。孰覽夫子詩。信知所言非。

其二

從軍征遐路。討彼東南夷。方舟順廣川。薄暮未
安坻。白日半西山。桑梓有餘暉。蟋蟀夾岸鳴。孤
鳥翩翩飛。征夫心多懷。悽愴令吾悲。下船登高
防。草露沾我衣。迴身赴牀寢。此愁當告誰。身服
干戈事。豈得念所私。即戎有授命。茲理不可違。

其三

悠悠涉荒路。靡靡我心愁。四望無烟火。但見林
與丘。城郭生榛棘。蹊徑無所由。萑蒲竟廣澤。葭
蒿夾長流。日夕涼風發。翩翩漂吾舟。寒蟬在樹
鳴。鵲鵲摩天游。客子多悲傷。淚下不可收。朝入
譙郡界。曠然消人憂。雞鳴達四境。黍稷盈原疇。
館宅克鄘里。士女滿莊馮。自非賢聖國。誰能享
斯休。詩人美樂土。雖客猶願留。

詠史詩

自古無殉死。達人所共知。秦穆殺三良。惜哉空
爾爲。結髮事明君。受恩良不訾。臨沒要之死。焉
得不相隨。妻子當門泣。兄弟哭路陲。臨穴呼蒼

古今詩集 卷六
二十七
天。涕下如綆縻。人生各有志。終不爲此移。同知
埋身劇。心亦有所施。生爲百夫雄。死爲壯士規。
黃鳥作哀詩。至今聲不虧。

七哀詩二首

西京亂無象。豺虎方遘患。復棄中國去。委身適
荆蠻。親戚對我悲。朋友相追扳。出門無所見。白
骨蔽平原。路有飢婦人。抱子棄草間。顧聞號泣
聲。揮涕獨不還。未知身死處。何能兩相完。驅馬
棄之去。不忍聽此言。南登霸陵岸。回首望長安。
悟彼下泉人。喟然傷心肝。

其二

荆蠻非我鄉。何爲久滯淫。方舟泝大江。日暮愁
我心。山岡有餘映。巖阿增重陰。狐狸馳赴穴。飛
鳥翔故林。流波激清響。猿猴臨岸吟。迅風拂裳
袂。白露沾衣襟。獨夜不能寐。攝衣起撫琴。絲桐
感人情。爲我發悲音。羈旅無終極。憂思壯難忍。

稽康

贈秀才入軍二首

良馬既閑麗服有暉左攬繁弱右接忘歸風馳
電逝躡景追飛凌厲中原顧盼生姿

其二

息徒蘭圃秣馬華山流磻平臯垂綸長川目送
歸鴻手揮五絃俯仰自得游心太玄嘉彼釣叟
得魚忘筌郢人逝矣誰與盡言

酒會詩

樂哉苑中遊周覽無窮已百卉吐芳華崇基邈
高跂林木紛交錯玄池戲魴鯉輕丸斃翔禽織
綸出鱸鮪坐中發美譚異氣同音軌臨川獻清
醑微歌發皓齒素琴揮雅操清聲隨風起斯會
豈不樂恨無東野子酒中念幽人守故彌終始
但當體七絃寄心在知己

與阮德如

含哀還舊廬感切傷心肝良時遘數子談慰臭
如蘭疇昔恨不早旣面侔舊歡不悟卒永離念
隔增憂嘆事故無不有別易會良難郢人忽已
逝匠石寢不言澤雉窮野草靈龜樂泥蟠榮名

截人身。高位多災患。未若捐外累。肆志養浩然。
顏氏希有虞。隰子慕黃軒。消彭獨何人。唯志在
所安。漸漬殉近欲。一往不可攀。生生在豫積。勿
以休白寬。南土早不涼。矜計宜早完。君其愛德
素。行路慎風寒。自力致所懷。臨文情辛酸。

阮籍

詠懷七首

天馬出西北。由來從東道。春秋非有託。富貴焉
常保。清露被臯華。凝霜沾野草。朝爲媚少年。夕
暮成醜老。自非王子晉。誰能常美好。

其二

平生少年時。輕薄好絃歌。西遊咸陽中。趙李相
經過。娛樂未終極。白日忽蹉跎。驅馬復來歸。反
顧望三河。黃金百鎰盡。資用常苦多。北臨太行
道。失路將如何。

其三

湛湛長江水。上有楓樹林。臯蘭被徑路。青驪逝
駸駸。遠望令人悲。春氣感我心。三楚多秀士。朝

古今詩冊 卷八
雲進荒淫。朱華振芬芳。高蔡相追尋。一爲黃雀
哀。淚下誰能禁。

其四

昔年十四五。志尚好詩書。被褐懷珠玉。顏閔相
與期。開軒臨四野。登高望所思。丘墓蔽山岡。萬
代同一時。千秋萬歲後。榮名安所之。乃悟羨門
子。噉噉令自嗤。

其五

駕言發魏都。南向望吹臺。簫管有遺音。梁王安
在哉。戰士食糟糠。賢者處蒿萊。歌舞曲未終。秦
兵已復來。夾林非吾有。朱宮生塵埃。軍敗華陽
下。身竟爲土灰。

其六

炎光延萬里。洪光蕩湍瀨。彎弓挂扶桑。長劍倚
天外。泰山成砥礪。黃河爲裳帶。視彼莊周子。榮
枯何足賴。捐身棄中野。烏鳶作患害。豈若雄傑
士。功名從此大。

其七

古今詩冊 卷六
少年學擊刺。妙伎過曲城。英風截雲霓。超世發
竒聲。揮劍臨沙漠。飲馬九野坳。旗幟何翩翩。但
聞金鼓鳴。軍旅令人悲。烈烈有哀情。念我平常
時。悔恨從此生。

古今詩刪卷之六

